

六十種曲

歌  
子  
聲  
船

PDG


# 六十種曲

(十)

毛  
晉編



20916041



916041

PDG

繡刻獅吼

記定本

(本書係用開明書店原版重印)

六十種曲 (第十冊)

灌園記 種玉記 雙烈記

獅吼記 義俠記

[明]毛 晉 編

中華書局出版

(北京王府井大街36號)

新華書店北京發行所發行

北京第二新華印刷廠印刷

787×1092 毫米 1/32·15<sup>1</sup>/<sub>2</sub> 印張·211千字

1958年5月第1版 1982年8月北京第2次印刷

印數 1,101—9,100 冊

統一書號: 10018·47 定價: 1.95 元

目錄

- |      |    |
|------|----|
| 第一齣  | 提宗 |
| 第二齣  | 敘別 |
| 第三齣  | 訪友 |
| 第四齣  | 住錫 |
| 第五齣  | 狹遊 |
| 第六齣  | 書招 |
| 第七齣  | 歸謙 |
| 第八齣  | 談禪 |
| 第九齣  | 奇妬 |
| 第十齣  | 賞春 |
| 第十一齣 | 諫柳 |

第十二齣 訓姬

第十三齣 鬧祠

第十四齣 贈妾

第十五齣 赤壁

第十六齣 頂燈

第十七齣 變羊

第十八齣 偷樂

第十九齣 復形

第二十齣 爭寵

第二十一齣 訴冤

第二十二齣 撮對

第二十三齣 冥遊

第二十四齣 謝師

第二十五齣 生子

第二十六齣 祖席

第二十七齣 撫兒

第二十八齣 西歸

第二十九齣 廷薦

第三十齣 同榮

# 獅吼記

明 汪廷訥 著

## 第一齣 提宗

〔東風齊着力〕〔末上〕任俠龍丘。高才蘇子。結社遊嬉。陳妻柳氏。奇妬世間稀。無奈翩翩豪興。但違禁甘受青藜。致學士犯顏極諫。私贈家姬。繫足苦難離。神人怒。一朝攝向冥歸。仗誰起死。佛印發慈悲。降伏河東獅子。順妾意代撫佳兒。送夫子雙登廊廟。驚嶺叟依。

陳季常風流懼內。

蘇東坡慷慨全交。

動幽冥禪師力大。

發菩提妬婦災消。

## 第二齣 敘別

〔戀芳春〕〔生扮陳季常。簪巾便服上〕閤閤門楣。詩書世胄。青雲事業難酬。謾思五

陵豪俠。肥馬輕裘。雅志尋山間水。賞心處陽春堪奏。慚株守。潦倒家園。何如選

勝遨遊。一脈書香遠借芬。才情磊落更超塵。花前愛挈東山妓。座上常開北海樽。詞賦有聲追屈宋。交遊到處結雷陳。男兒大肆探奇癖。何用浮名絆此身。小生姓陳。名慥。字季常。別號龍丘居士。原籍眉山。與蘇子瞻同里。先父公弼。作宦黃州。因而流寓岐亭。不幸風木含悲。年來獨與妻房柳氏。諧其伉儷。卑人雪窗螢火。曾苦志於三冬。雲路鵬程。未雄飛於萬里。因此陶情詩酒。寄興烟霞。愛客之心。孔文舉尙退三舍。好遊之癖。謝康樂還讓一籌。怎能穀丘壑中置向此身。恨不得金蘭簿盡收名士。只是我娘子雖多詠雪之慧。卻少剉薦之風。豈惟不樂交遊。亦且專作威福。役使盡皆老婢。那裏有金雀丫鬟。僕從總是蒼頭。何曾容青衣童子。使區區有懷莫展。抱鬱難伸。我想先父存日。曾令我拜呂公著爲伯父。他目今在京爲樞密。屢次以書見招。我借謁呂爲名。多載金貲。結客遊樂。料娘子決不阻我。事不宜遲。待娘子出來。便與他商議則個。〔旦扮柳氏上〕

〔臨江梅〕臉似芙蓉腰似柳。眼波湛湛橫秋。雲鬟斜亸玉搔頭。羞逞風流。難掩風流。〔相見介〕〔浣溪沙〕〔生〕娘子。你裙拖六幅瀟湘水。髻挽巫山一段雲。到來不語自生春。〔旦〕相公。你徙倚閒庭如有待。躊躇白晝豈無因。支吾言語不須論。〔生〕娘子。我有一事。正在此度量。卻

被你看出來了。〔旦〕有事何不對我說。〔生〕呂伯父自陞樞密。我不曾遣人走賀。他反數次相招。卑人意欲往謁洛中。以修通家之好。娘子意下如何。〔旦〕洛中道遠。有甚要緊。拋離家室。爲此浪遊。〔生〕

〔梧桐樹〕非忘道路修。爲念交情舊。暫別蘭閨。把父執親臨候。娘子。我得見呂公呵。功名倘可圖。及早乘機邁。願借吹噓。衣錦榮清畫。我豈是天涯海角空馳驟。〔旦〕

〔東歐令〕你把鄉關別室家丟。迢遞長安作客遊。只怕你風流落在他人後。我寂寞難生受。〔生〕卑人非但不敢欺娘子。這家事也難久離。見了呂公。探一功名消息便返。〔旦〕果若爲前程幹辦。怎淹留。一任你買棹入皇州。你既然要去。何日起身。〔生〕打點行囊。即便登程。〔旦〕如此。丫頭看酒來。與相公餞行。〔丑扮丫頭持酒上〕杯酒慇懃勸。驪歌不忍聽。長安遠於日。無限別離情。酒在此。〔旦奉生酒介〕相公。我奉你一杯。

〔大聖樂〕心間事欲說還休。唱陽關斟別酒。啼痕湮透青衫袖。〔生〕娘子。卑人不

日就回。何勞悲痛。〔旦〕怕意馬放難收。休被那朝雲暮雨向臺前誘。休被那流水桃花在洞口留。更怕是呼盧浮白。被高陽狂客羈絆歸舟。〔生〕娘子放心。這都不必過慮。

〔三學士〕暫爾分違鸞鳳偶。怎將你恩愛輕丟。〔旦〕只怕你出了門。不是這等的心腸。〔生〕我冰心不惹風塵垢。你香閣何勞抱杞憂。從今去。我謝客除花還戒酒。擬明月大刀頭。〔旦〕似這般說便好。

〔餘音〕只願你故人逢。功名就。我甘心坐待綠窗幽。〔生〕兩地相思望斗牛。

〔生〕欲去長安謁故人。勿勿話別最傷神。

〔旦〕勸君更進一杯酒。只恐貂裘染洛塵。

### 第三齣 訪友

〔鵲橋仙〕〔小生扮蘇子瞻角巾忠靖衣上〕紫宸列仗。螭頭濡筆。衣惹御爐香細。深慚文豹管中窺。叨寵眷瀛洲仙吏。〔鷓鴣天〕雙龍闕下拜恩初。天語躬承註起居。載筆已齊周

右史論詩更事謝中書。青瑣闥。鳳凰池。泠泠宮漏響前除。還聞漢主親詞賦。好爲從容奏子虛。下官姓蘇。名軾。字子瞻。眉山眉州人也。自幼同弟轍受經於家君。是以名起髫年。身登甲第。鬱鬱書香。堪稱濟美。輝輝棣萼。寧讓二難。下官僉判鳳翔三年。蒙恩召直史館。玉堂金馬。班依日月之光。東壁西崑。目涉圖書之府。遭際榮矣。但宦邸未攜室家。稍覺寂寞。卻喜妓女琴操。自杭州來訪。我愛他文雅風騷。久留在此。今日退食餘閒。且和他坐談半晌。琴操那裏。〔老旦扮琴操上〕

〔天下樂〕喬木參天綠蔭垂。可容蘿蔦暫相依。多君一段殷勤意。握手長安戀故知。〔長相思〕恰秋天。又春天。自入神京已半年。歸期不忍言。〔小生〕憶嬋娟。對嬋娟。孤館相逢正解顏。何勞問故園。琴操。我連日館中事冗。把清興全消。今日稍暇。趁有名香燕在此間。你可將瑤琴弄一曲我聽。〔老旦〕使得。使得。〔取琴撫介〕

〔二犯傍妝臺〕纖指拂金徽。鵲絃撥處。誰道賞音稀。正好向客窗同夜話。怎忍彈別鶴竟思歸。我移商換羽腔。須按你流水高山思欲飛。〔合〕塵情頓滅。羈懷自怡。怪不得文君司馬深相契。〔小生〕

〔前腔〕焦尾挈相隨。錦囊塵滿。恨未遇鍾期。喜風流齊薛倩。更文雅勝崔徽。我欣從湖海逢同調。你休道鷓鴣得暫棲。〔合前小生〕卿別彈一曲我聽。〔老旦再彈介生帶二家僮上生〕

〔不是路〕故國分離。我油壁車輕金犢肥。既遠別了娘子。心何忌。揮金買笑任施爲。愛探奇。歌兒舞女朝朝醉。鳳管鸞笙步步隨。自古道獨樂不若與人。小生初入洛陽。苦無同志。昨聞蘇子瞻召直史館。他與我爲莫逆之交。數年闊別。正當續此舊好。我因此上忙驅騎向詞垣遠訪通家契。把舊盟重締。舊盟重締。〔家僮〕相公。方纔問人說。此處便是蘇爺官衙。〔生〕你着把門人通報。〔家僮問介末扮院子上〕東璧圖書府。西園翰墨林。你是那裏來的。〔家僮〕是黃州陳季常相公。來拜蘇爺。〔末應入報介小生〕呀。季常久別。正思一見。快請進來。〔末報生入見拜介生〕故園一別幾經秋。羨爾鸞坡載筆遊。〔小生〕最是停雲無限思。不期把臂在皇州。琴操可來見了陳相公。〔老旦出見介生〕這美人是誰。〔小生〕是杭州琴操。〔生舉手向老旦云〕久慕仙標。今方親炙。〔老旦〕緬懷大雅。喜慰識荆。〔生〕

〔長拍〕巫峽分違。巫峽分違。我向黃州僑寓。聞你鳳池鰲禁雄飛。恨傳書無鴈。

夢兒中恍覩丰儀。〔小生〕小弟奔走風塵。不得見兄。亦形夢想。兄今日卻爲何入洛。〔生〕爲呂樞

密呵。招我入京畿。〔小生〕呂公奉使而出。兄曾相遇否。〔生〕怪皇華天使。未能相會。

〔小生〕既未遇呂公。何不來敝衙暫處。今寓何所。〔生〕不瞞兄說。舞榭歌臺聊遣興。〔舉手向

小生〕想不棄舊心知。〔舉手向老旦〕況遇傾城傾國。把洛陽勝跡。踏遍輪蹄。

〔小生〕季常。我與兄

〔短拍〕髻鬣交遊。髻鬣交遊。金蘭意氣。既相逢。怎忍輕離。山水願追隨。〔指老旦〕

況又有雲鬟高髻。〔老旦〕愧殺兼葭倚玉。增聲價。專待兩君題。〔小生〕琴操。你且

進去分付備酒。與季常敘闊。〔生〕子瞻兄。既蒙相款。則何敢辭。弟明日約兄同美人郊外一遊。望勿

見卻。〔生〕

〔尾聲〕溪山正喜逢新霽。〔小生老旦〕對酒當歌訂賞期。〔生指小生老旦〕才子佳

人際會奇。

〔生〕準擬今春樂事濃。

休教枉卻一東風。

〔小老〕樽前剩把銀缸照。

猶恐相逢是夢中。

### 第四齣 住錫

〔浪淘沙〕〔外扮佛印禪師持錫上〕飛錫入紅塵。誰識根因。金繩覺路去來身。日把慈航浮法海。普渡迷人。出言會解神天福。見性能傳佛祖燈。自從一掛袈裟後。萬結人緣不斷僧。老僧了元。別號佛印。原籍饒州。曾住持潤州金山寺。心了三乘。位證羅漢。金鎖扶翳。全憑迦老鉗錘。玉杵降魔。亦仗韋馱抖擻。貫頂一針。言下便超有漏。當幾半句。立時頓悟無生。只爲大事因緣。來此娑婆世界。乃發弘願。接引衆生。我想世人真好苦也。

〔甘州歌〕只因迷宿本。似飛蛾投焰。自取焚身。殺人鳩毒。最是骷髏紅粉。金枷玉鎖何時脫。蠅利蝸名鎮日奔。生惡趣。惹客塵。膠膠擾擾。只貪嗔。若要成正果。須是斷六根。空花眼底總非真。迤邐行來。早已入了黃州。遠遠望見一座寺。倘清淨可居。

老僧在此住錫。須索前去。〔行介〕

〔前腔〕鐘聲漸漸聞。見蒼松萬疊。把香臺深隱。莊嚴寶殿。浮圖擁起。愁雲。天花如意紛紛落。野鹿親人。個個馴。山當戶。水繞門。黃花翠竹。接比鄰。借這如來境。寄我清淨身。六時此地好修焚。待我看這扁額。〔看介〕原來是定惠禪寺。好個莊嚴道場。禪堂中無人。待我喚一聲。長老在家麼。〔丑扮小僧上〕

〔大齋郎〕恨雙親捨空門。金刀如雪把頭髡。燒香掃地猶還可。但提師父便消魂。〔出見外介〕你這小和尚。爲甚麼埋怨師父。〔丑〕老師父。你不知。說我沙彌苦楚。乾魚也要淚流。晝在香廚燒火。晚向寶塔添油。寒暑專司佛殿。晨昏管撞鐘樓。〔外〕這是做小和尚的職分。怎生推托。〔丑〕日日客來遊賞。奔馳迎送無休。婦女空齋餓眼。輩醒未入饑喉。〔外〕難道將戒破了。〔丑〕似此辛勤欲睡。師父夜擣一頭。不管更長漏永。只顧亂扯胡抽。我想他前生定非人類。〔外〕不是人類。卻是甚麼。〔丑〕是個鑽洞泥鳅。〔外〕休得亂言。你長老尊號。在家麼。〔丑〕家師號性空。今日施主請去修齋。老師父從何處來。〔外〕我號佛印。自海上來。欲借一靜室。少住月餘。不知有否。〔丑指云〕這數間房。原留以待四方長老。隨尊意擇居。一應供給。俱是小僧照管。你只要學我師父下毒手。

我當不起這許多門戶。〔外〕又來亂言。你聽我道。

〔甘州歌〕相隨朝與昏。休黏泥帶水。好將心印。難參佛法。今朝幸遇聲聞。〔丑〕

師父。你從那裏得聞道來。〔外〕一從傳得三更棗。何處能容半點塵。〔丑〕師父。那佛

與菩薩。豈容易做得。你這言語是哄我。〔外〕休道曹溪遠。驚嶺尊。人人衣底有珠存。〔丑〕

師父。我生來只好頑耍。怎戒得性定。〔外〕龍堪擾。虎可馴。屠兒立證涅槃因。

〔前腔〕常將戒體薰。看我袈裟不動。蒲團安穩。〔丑〕師父。你明日教我念經何如。〔外〕

五千法藏。會將來一字無存。騰空不用風雲力。破暗何須日月輪。若不惺惺悟。

只去泛泛論。頭鑽故紙枉勞神。休把因果撥。須將真幻分。超凡入聖莫因循。

我且在這間房裏住下。待令師歸家。我與他相見。此後倘有人來訪我。你須一一引進。休得阻他。

〔丑〕理會得。

〔尾聲〕師父。你欲傳三藐菩提印。丈室維摩寄此身。〔外〕我最喜是人來遠問。

津。